

東華錄

康熙五十二

臣王先謙敬編

臣周問著恭校

秋七月癸丑子故理藩院左侍郎文達原任山西巡撫葉陽濟祭葬○丙寅以常書爲倉場侍郎由內閣學士遷○是月免山西忻介休等十三州縣水災額賦有差

八月甲戌諭戶部廣西四川貴州雲南俱屬邊地土壤瘠瘠民生艱苦歷歲以來屢施思恤茲念育民之道無如寬賦矧邊省地方非再沛優恤之恩則閭閻無由充裕所有康熙三十三年四省應

徵地丁銀米著通行蠲免以稱朕加惠遠省民生至意○己卯以

常綬爲內閣學士

由郎中遷

○辛巳內閣學士王尹方奏請終養允之

○癸未

上巡幸塞外啟轡○丁酉以顧藻爲內閣學士

由兵部督捕台

理事官遷○己亥 上次席北畢喇賜唆爾喀利爾沁等諸王以下及

內大臣侍衛都統邵院大臣及八旗官兵宴賜隨同喀喇沁塔布囊以下及官兵冠服銀幣○免山西忻介休等八州縣水災額賦有差

九月丁未分四川陝西督標火器營兵二千名爲左右二營添守備一分轄每營各設千總二把總四○命修盛京城○己酉昭武將軍耶談奏見擒哈密回子云噶爾丹屬裔牛羊已盡捕魚爲生噶爾丹在烏郎塢耕種臣意將馬秣股來春直臨和卜多索其同哈密國人戕害使人之土克齊哈什哈爾海達顏額爾克等彼旣起釁當乘機而行噶爾丹如不迎敵遁入深林則窮追之卽不獲其身而散其族屬謀其農田大兵回經哈密殺散噶爾丹俱賦之回子刈其禾苗毀噶爾丹所恃以爲常產者彼自窮困矣奏至

命議政王大臣會議尋議前噶爾丹戰於烏闌布通退回之時誓不復擾我邊境近以欽差頒賞員外郎馬迪等被害噶爾丹不及與知乃其種類所爲已遣使請罪蒙上寬宥賜以敕書且下噶爾丹並無偏近邊塞之費將軍郎談所奏應毋庸議但徵將軍郎談孫思克遣才能者遠行偵探如獲噶爾丹實音具奏請旨其見擒哈密八人令將軍給以犒糴遣歸得自此事所關甚大郎談等身在行間必有所見進則易於奏功亦未可定儻有可乘之便此機亦不可失茲軍行之期尙早當遣護軍統領蘇丹侍郎席爾達會同總督佛倫往與郎談博羅孫思克等將可進不可進與當進當守之事詳議回奏尋蘇丹等往以郎談等所議回奏命王大臣會議尋議聞噶爾丹有離和卜多之信且目下噶爾丹人力單薄馬畜鮮少斷不與大兵抗拒今率兵征勦糧餉關緊重大噶爾丹

遊牧爲生無一定之巢穴所請來春直臨和卜多之奏宜罷之哈
密回子向來納賦於噶爾丹等蒙古處有年所非自今創始也蓋
此等蒙古多有納賦之番人今以納賦於噶爾丹之故遽興兵擊
散非所以仰體 皇上如大好生之至仁也既議罷吐噶爾丹則
所稱殺散哈密回子刈其禾苗之語當不必議但將噶爾丹之事
付將軍孫思克遣綠旗才幹人員不時遠探聲息其回子八人禁
在甘州哈密者乃諸使之通衢也宜令放歸併將 皇上好生至
德大書告示付此回子等持往諭其頭目仍給此回子等糧騎從
之○癸丑 上次森濟圖哈達昂阿賜喀爾喀澤卜尊丹巴胡土
克圖土謝圖汗諸王貝勒台吉喇嘛等冠服弓矢幣帛○丙辰賜
喀爾喀郡王貝都 博碩克圖滾布等冠服韉帽等物自差○丁
巳護軍統領蘇丹等奏臣等查甘州涼州在西北陲所植之苗惟

麥黍豌豆而已甘州所屬雖略種稻而不甚多大兵在甘州糧草不足乞令自京撥駐甘涼之大兵暫駐甯夏駐紮蘭州之西安兵暫駐蘭州其西安調自督標官兵發回省城西安官兵既皆在蘭州則西安將軍博壽應遣往蘭州從之○庚申 上次巴達爾喇賜翁牛特協理旗務台吉以下及隨扈官兵弓矢冠服銀幣○丙寅琉球國中山王尚貞貢方物並請入監讀書官生梁成楫等歸國宴賚如例○丁卯 上還京師○盛京刑部侍郎明額禮以老病乞休允之○己巳諭大學士等顧八代因在內廷供奉多年屢次擢用以至尚書今觀其人不宜留任部院著革去尚書以伊世職隨旗行走○庚午發蒙古兵三千駐右衛○是月免山西太原文水等四縣水災湖廣蘄黃岡等十州縣衛江西甯州上饒縣旱災額賦有差

冬十月辛未朔調楊廷耀爲福建布政使以喻成龍爲山東布政

使

由按察使遷

○壬申諭大學士等給事中彭鵬參今科順天鄉試疏

內有請朕親審將主考同考官並舉人一一窮究之語是謂諸大臣皆不可信矣若倚任之大臣旣不可信雖彭鵬亦可信乎況治天下不在拘執小節當敦崇大體以和平御之如大小事皆朕一人親審則庶務何由畢理且自古以來亦無此體卽依彭鵬所奏將徐倬等親問必將刑具取入宮內刑具乃不得已而用者朕亦何忍見之彭鵬卽係言官當勸朕寬大和平乃請親行刑訊朕實不解也著九卿議奏○諭前尚書科爾坤諳練事務在戶部時著有勤勞被參之事殊不明晰以其年邁不復任用可復尙書銜○以佛葆爲盛京刑部侍郎

由左副都御史遷

○甲戌滿沙楊哈爲禮部尙

書

由工部調

○乙亥

上御經筵

○丙子

上以闕里

聖廟落成命

皇三子允祉

皇四子前往致祭

御製重修闕里孔子廟碑

曰朕惟大道昭垂堯舜啟中天之聖禹湯文武紹危微精一之傳
治功以成道法斯著至孔子雖不得位而贊修刪定闡精義於六
經祖述憲章會衆理於一貫爲往聖繼絕學爲萬世正人心使堯
舜禹湯文武之道燦然不著於宇宙與天地無終極焉誠哉先賢
所稱自生民以來未有盛於孔子者也往歲甲子朕巡省東方躬
詣闕里登聖人之堂祇將祀事觀其車服禮器金石絃歌蓋徘徊
久之不能去焉顧聖廟多歷年所丹雘改色榱桷漸圯用是愀然
於心特發內帑帑官往董其役鳩工庀材重加葺治經始於辛未
之夏事竣於壬申之秋願貌一新觀瞻以肅蓋深惟孔子之道垂
範古今朕願學之志時切於懷每考天人性道之原修齊治平之
要思以遠紹前緒隔迪生民凡所以尊崇優顯者靡不隆禮竭誠

以將景行仰止至意而況廟庭之地尤爲聖人神明所憑依者哉
今者登堂而陳俎豆入室而習禮儀營構既堅采章彌煥庶幾於
朕心深有慰焉用是特遣皇子允祉

貼黃

敬展禋祀以告落成凡

我臣民瞻仰宮牆倍增嚴翼尙益思敦崇德義砥礪倫常以不負
朕尊師重道之意豈不休歟因勒貞石繫以辭曰麟書啟瑞素王
挺生上律下襲玉振金聲範圍百代陶甄萬類道備春秋德參天
地立型垂訓師道昭宣象懸七曜海納百川曩巡東魯臨河登岱
義親尼山羹牆斯在虔恭展謁至德是欽宗風溥博教澤閎深洙
泗之陽殿寢翼翼上棟下宇神靈安宅冬官特飭締造維新宏規
大啟肅奉明禋聖人之居永以觀德千載傳心四方式則○丁丑
予故倉場侍郎伊圖祭葬○己卯以薩穆哈爲工部尚書

由步軍
總尉遷

○諭大學士等聞山東今年田收之後九月中蝗螟叢生必已遺

種於田今歲雨水連綿來春少旱蝗則復生未可知也先事豫圖可不爲之計歟宜命戶部速檄直隸山東河南山西陝西郡縣於今歲來春勉力耕耨田畝蝗螟之災務令消滅若郡縣有不能盡其田者蝗或更生必力爲捕滅毋使爲吾民患○以張勛爲山東按察使

原任福建按察使

○庚辰諭大學士等陝西西安鳳翔二府連被

災傷朕多方賑救然後化離之民漸還鄉井今歲雖雨澤霑足百穀阜成而人民甫脫飢寒未饒生計若明威應徵錢糧卽令輸納慮閭閻儲蓄終難充裕西鳳二府屬被災州縣衛所康熙三十三年糧米照舊徵收外其地丁銀兩著通與蠲免耕朕愛養休息至意○辛巳諭大學士等甯夏地方最爲緊要總兵官馮德昌趙良棟効其扣剋軍糧馬匹倒斃馮德昌著解任此員缺以登州總兵官王化行調補壬午以沙哈里爲左副都御史

由盛京刑理事官遷

○

丁亥設高家堰通判一中河通判一移揚河通判於高郵州瓜州儀真河道廟座事務歸江防同知專管鎮江府屬丹徒丹陽二縣河道以各該縣縣丞專管令該府通判兼理○庚寅九卿遵旨議覆給事中彭鵬參順天鄉試主考徐倬等奏內語涉狂妄不敬應革職上諭大學士等是科鄉試若言有弊事無顯露若言無弊物論紛紛徐倬學問素優開列試官奏內並無其名朕令通行開列將伊點出本日卽入貢院似乎無暇縱難言全無一二通關節者若云皆係屬託作弊則所取百有餘人屬託者必須數百人頃刻間何暇徧通關節作弊也彭鵬有在朕前講論文章之語既係言職使盡其意可耳彭鵬又請照原卷刊刻頒行朕意亦以爲是凡試官豈有不顧名節之理照原卷刊刻頒行天下則文章之優劣自不掩試官亦知儆戒矣向日徐乾學高士奇王鴻緒爲言官

參奏朕令休致回籍彭鵬係言官從寬免其革職○壬辰 上大
閱於玉泉山○甲午 上還宮○丙申命彰德府同知專管彰德
府河務嗣後同知兼管鹽城海州河務以直隸清河故城江南沛
縣河道歸併東省道員兼轄德州河南河道歸上河通判管轄○
丁酉鄂羅斯察漢汗遣使進貢大學士等將鄂羅斯進貢奏章翻
譯進呈 上曰鄂羅斯國人材頗健但其性偏執論理亦多膠滯
從古未通中國其國距京師甚遠然從陸路可直達彼處自嘉峪
關行十一二日至哈密自哈密行十二三日至吐魯番吐魯番有
五種部落過吐魯番卽鄂羅斯之境聞其國遼闊有二萬餘里漢
時張騫曾出使西域或卽彼處地方明永樂嘗經出塞彼時以爲
甚遠按其所至之地離此亦不過千餘里史書所載霍去病曾出
塞五千里想或有之今塞外尚有碑記可考至外藩朝貢雖屬盛

事恐傳至後世未必不因此反生事端總之中國安甯則外讞不作故當以培養元氣爲根本要務耳○是月免直隸順天保定等四府屬江南海州全椒等十州縣衛山西蒲州定襄等四州縣被災額賦有差

十一月庚子朔諭大學士等朕每日聽政必於辰刻中御門聞部院奏事大臣每日於黎明時齊集午門外久候方始入奏奏畢復各歸署理事無乃過勞朕觀大臣內有年及六旬者亦有六旬以上者此後於家中各進糜粥按時來奏引不至遲誤大臣節勞養體亦可多爲朕效力數年爾等可將朕旨傳與部院大臣知之○
辛丑 上奉 皇太后謁 陵啟轡 贈故天津總兵官劉國軒太子少保子祭葬○乙巳 上奉 皇太后謁 暫安奉殿 孝陵至 仁孝皇后 孝昭皇后 孝懿皇后陵奠酒○癸丑雲南

州縣奉范本到臣見一諭傳係盛京舊人爾父兄累朝效力
爾兄又為國節朕因見思及爾兄心為慘切不見爾八九年矣
爾等髮遂皓白如此今因郊外寒冷將朕貂帽貂鞋白狐腋袍賜
爾此時更換恐受風寒可明日服之來謝恩○丁巳停今年決囚
○庚申 上奉 皇太后還京師○以郭輝為甘肅布政使

原任山西

布政使

○甲子諭戶部頃者展調

山陵沿途察訪民隱今歲雨水

過溢田禾歉收米價翔貴又聞順天河間保定永平四府所屬皆
然目前米價既貴將來春夏之際時值益昂小民必艱粒食順天
河間保定永平四府康熙三十三年應徵地丁銀米著通行蠲免
所有歷年舊欠悉與豁除務令人需實惠以副朕子育黎元至意
○丙寅諭大學士等朕前謁 陵兵部侍郎舒恕隨從往往躲避
朕未嘗見且人材甚屬不及著解侍郎任前保舉司官時各部止

舉二三人督捕衙門司官甚少侍郎博際保舉幾及十員中有定見之人豈如是乎觀博際舉止猥瑣全無大臣之體著降三級調用○丁卯 皇子允禔生○戊辰以趙山爲督捕侍郎由副都統遷○

己巳撤蘭州兵駐西安○命河道總督于成龍來京○庚午以安

布祿爲兵部右侍郎

由內閣學士遷

調沈圖爲內閣學士

由左副都御史遷

○是

月免江南等處等四州縣水災額賦有差

十二月辛未 謫大學士伊桑阿等適都察院議處吏部議知府盧騰龍等革職一事將堂官隆三級司官降四級俱調用所議甚當朕觀人之識見精神有限不能過其本來分量烏得無錯但自知其錯與宜承認若卽知其錯而不承認希圖文飾則其錯彌甚必致壞事前朕十三四歲輔政大臣理事時有誤行一事朕至今猶憶之彼時遇煩輒赦釋放罪犯曾赦一不應赦之罪人該部以

不應激而激應否釋放請旨大學士李蔚奏欲將錯就錯朕聞爾此言於此事尙可如過不問正法之人謂行正法則人死豈能復生此言亦可乎李蔚不能對大學士圖海奏此事實臣等之錯有何辯處天下事惟人命至重朕察之又然已行之事其能保無譴耶○達賴喇嘛奏爲喀爾喀厄魯特事奉 敕旨並伊錫格隆所傳口諭聞之不勝懽忻諸凡蒙古奉貢 天朝之國而厄魯特不聽訓誡近害敕使又噶爾丹博碩克圖汗以三事陳奏其見責於 聖明極當但臣已年滿國事大半第巴主之已在睿照中卽第巴尙亦仰體 聖意實心任事目前見遵旨而行儼臣意有所未及力有所未到伏祈 頒訓諭又令伊錫格隆口奏云吾國之事皆第巴爲主乞 皇上給印封之以爲光寵又第巴令口奏云願繳玉印乞給以金印得旨此事頗大著議政王大臣會議以

聞尋議達賴喇嘛自頒給冊印受封以來恭順職貢有年今以其
身已老國事皆第巴主之乞封第把授之印信以光寵之爲之懇
請而第巴又戴 皇上崇眷誠心乞請金印應如所請又按此玉
印仍明朝給闡化王之印今第巴既已歸還應付所司從之○壬
申諭大學士等朕觀近日政務簡少每日啟奏部院大臣中有年
邁者甚屬勞苦自後年六旬以外大臣令其量力間二三日一來
啟奏至折本內遇緊要事朕有旨傳進爾等方來請旨若無朕旨
爾等將折本彙齊亦間二三日一來啟奏○癸酉諭掌院學士傳
繼祖等翰林院衙門甚屬緊要凡翰林官每日作文寫字誦習講
究是其分內之事各宜勤勉以盡職掌若有結交不肖牽引妄行
遇學差缺出恣爲奔競營求者不時訪參○先是廣東巡撫江有
良巡視兩廣鹽課太常寺少卿沙拜彼此互參奉旨著江南江西

總督傅拉塔福建浙江總督朱宏祚會審具奏至是傅拉塔等查
審巡視兩廣鹽課沙拜誣參布政使張績得解費銀一萬四千餘
兩應革職巡撫江有良阻壞鹽法亦應革職得旨吏部會同
嚴議具奏○丁亥 上幸南苑行園○戊子山西巡撫噶爾圖奏
輓運湖灘河朔米后應否暫行停止得旨今陝西米石充足此米
若仍輓運必致勞民疾問總督佛倫亦云輓運湖灘河朔米石百
姓勞苦此所運之米令其停止將船隻送至歸化城等處加意收
管○諭兵部本朝滿洲官兵從來精銳驍勇遇寇必克所向無敵
前厄魯特噶爾丹之役官兵不能悉體朕意卽行剿滅致失機會
罔奏膚功朕心爲之不懌故比年以來簡閱官兵歲凡兩舉朕躬
臨指示訓誨頃閱武時見諸士卒行列整齊隊伍明晰進退嫻熟
嚴肅無譁所有軍令無不遵守該管官員號令約束既嚴且善此